

**Consèi de Cùra de Badia:** (de chësc el gnü baié tl'ultima sentada)

**Comunité dl amur dl proscimo.**

Al é gnü baié sòn l' significat dla Caritas y sòn cí che an podess fà a livel de valada.

La meseria y la puerté, sides spirituala che materiala, é plü dlungia che an mina. Maraties, caji de mort de n genitur, mo inçe debiç, pordüda dl post de laür o la mançianza de entrades finanziares porta les porsones a de gran dificoltês.

An dess dauri i edli y imparè a odèi i bojègns ascognüs dles porsones incër nos ia. Ciarè demez ne é degüna soluziun. Al é inçe gnü costatè tan de sorts de assistënzes d'aiüt che al vègn pitè y che an po zènz'ater se fà pormez y se lascè daidè.

**Domènia dles families.**

La domènia dles families vègn tignida ai 30 de novèmber, pröma domènia d'Advènt. Dales 14:00 te Ciasa Runcher vègnel fat na picia funziun d'Advènt, spo saral n momènt de aorela cörta cun jüç da mësà arjignà ca dai jogh. En chësta ocasiun saral inçe la poscibilitè de comprè gherlandes d'Advènt metüdes a desposiziun dai jogh. Les gherlandes po gni inçe prenotades danfora al nr. 3351680316 (Andreas Valentin).

**Assistènt pastoral.**

Sciöche al é bel te plü cüres dla diozeja, inçe por la Val Badia podess gni metü sö n assistènt pastoral. Chësta é na porsona, cun na istruziun de teologia, che se dà jö y sostègn i grups de voluntars che é atifs tla comunité. Vigni cùra dla Val Badia dess valutè chësta poscibilitè.

**Marèna por i seniores.**

Inçe chëst ann vègnel organisé la marèna por la jènt atèmpada. Ala vègn tignida en domènia ai 14 de dezèmber.

**Marcé da Nadè tl Salf Laür Protezionè a Pidrô:** al vègn tignì en dumènia, prüma de Advènt ai 30.11.2014 dales 10:00 ales 17:00.

**La Uniun dles Patrones** dl Comun da S. Martin de Tor organisèia n curs da fà ornamènc cun fègn por Nadè cun Maria Zingerle tl salf di stüdafüch a S. Martin de Tor ai 02.12.2014 dales 13.30 ales 16.30. Se prenotè pro Loise al nr. 0474/590026. Düc é dèr bel invià.

**Prejentaziun CD de Zenzo Obwegs:** ai 25.11.2014 a La Val – Maier da Coz, ai 27.11.2014 a Badia - Sotóciastel y les edemes do te atrì païsc, dagnora dales 20:00. Ma cun prenotaziun al nr. 340/6217436.



# Usc dla Cüra BADIA

Tel./Fax 0471 839571 - E-Mail: [parrocchiabadia@libero.it](mailto:parrocchiabadia@libero.it) - [www.valbadiaonline.it](http://www.valbadiaonline.it)

Nr. 52	Edema: 23.11. - 30.11.2014
--------	----------------------------



## Christkönig


*Deine Macht ist die Ohnmacht,  
deine Liebe ist die Hingabe,  
dein Leben ist unser Leben.*

**Vangele dla Dumènia che vègn - 1° d' Advènt - „B“ (Mc. 13,33-37)**  
Metede averda, y stede muntri! Deach'i ne savèis nia, canche le tèmp é chilò. Ara é sciöche cun n èl che à lascè süa ciasa, por se mète söl iade: Al ti à surandè dötta la responsabilitè a sü fanç, a vignun so laür; le portier àl comanè de stè munter. Porchèl stede muntri! Deache i ne savèis nia, canche le patrun de ciasa vègn indò, sce da sèra o da mesanöt, sce dal ciant dl ial o da doman. Al ne dess nia, canch'al vègn te n iade, ves urté tla sonn. Cì ch'i diji a os, chèl diji a düc: Stede muntri

## FUNZIUNS SACRES

- 23.11. XXXIV. DUMËNIA dl Ann A – Festa de Cristo Re  
- **Festa de Santa Zezilia** -  
10.00 Mëssa ciantada por la Comunità  
15.00 Festa da Bato  
18.00 †ti Vijo, Zilia, Maria Pizzinini y Pire Crazzolara - aniversar  
†ti Teresa y losafat Pitscheider - aniversar  
†to Tone Pitscheider
- 25.11. Mertesc  
19.30 †ta Maria Irsara de Pescol – aniversar  
†ti Antonia y Hermann Nagler  
†ti Edi Adang y Alfred Delueg
- 26.11. Mercui - *mëssa cun i scolars*  
07.30 †to Pasquale Irsara de Pescol - aniversar  
†ta Emilia Alfreider y †ti dla familia Alfreider  
†ti Giovanni, Adele y Albert Pescolliderungg
- 27.11. Jöbia - *mëssa cun i crejimanç y studënc*  
19.30 †ta Candida Castlunger  
†ti Marta, Pasquale y Hilda Pitscheider  
†ti da Fossè
- 28.11. Vëndres  
07.30 †ti Giustina y Mariangel Clement - aniversar  
†ti Clara y Tone Anvidalfarei da Ciaminades  
por fam. Tone y Clara Anvidalfarei en rengraziamënt
- 29.11. Sabeda  
16.00 Mëssa a Oies  
**19.30 RORATE por la Uniun di Èi y Stüdafüch**  
por fam. Trinele Pizzinini Valentini  
por fam. Lucia Frenademetz Irsara  
por fam. Alfred y Rita Irsara
- 30.11. I. DUMËNIA de ADVËNT / Ann B  
10.00 Mëssa por la Comunità  
14.00 Funziun por les families te Ciasa Runcher  
**19.30 RORATE por l'KVW y familiars**  
por i benefaturs dla Cüra  
†ta Maria Rungg – aniversar  
†ti de Carolina Pizzinini Pitscheider

## Dala VITA dla CÜRA



Chësta dumënia, ai 23.11.2014 ciafa l'Sacramënt dl **BATO** la picera **Maria** de Hubert Crazzolara y Rosa Prousch. Ala picera che tolun sö cun ligrëza te nosta comunité cristiana y a süa familia les mius audanzas.

**Prüma Comuniun:** en jöbia, 27.11.2014 dales 20:00 inviunse düc i geniturs di mituns che va d'aisciöda ala Prüma Comuniun a na incuntada.



**Advënt:** tratan l'Advënt saràl indò i Rorate y inçe les Laudes. La proscima dumënia, prüma de Advënt, se abinunse dales 14:00 te Ciasa Runcher por na funziun dles families y dales 19:00 sonarà les ciampanes por invi düc ala oraziun de Advënt te familia.



En mercui, ai 26.11.2014 se incunta indò l'grup "*Umes preia deboriada*" dales 20:00 te dlijia. Düc é dër bel invià.

**Legio Mariae:** chësc grup se abina en jöbia, ai 27.11.2014 dales 14:00 te calonia por n'ora de oraziun olache düc é invià a tó pert.

**Oferta:** n bel giulan dl'offerta de 1263,60 € che va ala Caritas Diozejana.

**Conzert:** chësta dumënia - Santa Zezilia, ai 23/11/2014 dales 15:00 é l'el cör de dlijia da La Plì che organisëia adöm ala musiga n conzert te ciasa dles uniuns a La Plì. En gaujiun dai 150 agn dla nascita de Jepele Frontull, vëgnel recordé con val' toch musical. Düc é dër bel invià.

### **La Ro de Badia – Capela de recort y rengraziamënt**

Al vëgn sègn dui agn che la gran ro de Badia a metü al prigo düta la valada. Dër tröc à daidé, perié y ofrì. Sön iniziativa dl umbolt é gnü fat sö na picera Capela de recort. La benedisciun dla "Capela dla Ro", la dumënia, ai 14.12. d'Advënt, nes dà l'ocajun da rengrazié Chëlbeldî y la jënt. Inçe por nia desmentié tan prësc y se fà stersc tla fede y solidarieté **inviunse** la jënt de düta la valada da gnì a tó pert cun chësc program:  
dales 14:00 - **Benedisciun** dla Capela (Anvi-Badia) spo **prozesciun sö Oies y dailò S.Mëssa de rengraziamënt.**

Siur Degan